

Radunonza generala dils 31 d'uost 2001

Tgésa communal Sedrun allas 20.00

Tractandas: 1.Beinvegni e presenza
2.Elecziun dumbravuschs
3.Prelecziun ed approvaziun protocol 27-08-1999
4.Rapport annual
5.Rendaquen, rapport revisura ed approvaziun
6.Contribuziun annuala
7.Presentaziun project Putnengia
8.Program da lavur
9.Varia

Beinvegni: Il president André Schmid arva la radunonza e fa in cordial beinvegni allas 6 persunas che han priu peda da vegnir alla radunanza. Da quellas 6 persunas ein 5 femnas ed in sulet um.

Perstgisau han schau: Barla Monego, Bruno Cavegn, Lucas Soliva e Marcus Munsch

Dumbravusch: Sco dumbravusch vegn Maria Halon proponida ed elegida

Protocol: Il protocol dalla davosa radunonza vegn presentaus ed approbaus senza neginas objecziuns.

Rapport: Quel ei staus presentaus en la davosa Tuatschina. Tuttina dat il president in cuort sguard anavos e menziunetsch cuort:

- Zarcuns e sia crusch ch'ei vegnida renovada e stat ussa puspei en siu liug
- Presentaziun dil niev cudisch da Peter Dettling e Vic Hendry ch'ins ei sgidai cun ina mudesta contribuziun.
- Begl e suschna a Bugnei ch'ei renovai dals vischins da leu ein era vegniu susteniu
- A Munt sogn Gieri ei la suprastonza stada e giu investa digl entir project e saviu prender buns contacts cun las persunas ch'ei stadas involucadas leu.

Rendaquen: Tarzisi Hendry presenta il mudest quen sco suonda:

Expensas	11'338.05
Entradas	4'768.40
En cassa	1'808.35

Rapport revisura: La revisura Bernadetta Cathomen ha examinau e constatau che tut ei vegniu menau enuorden e cun premura. Ella propona d'approbar il quen e da dar scarica alla suprastonza

Contribuziun: Quella stat sco tochen cheu sin frs. 30 per commembers activs e libra per fautors.


Elecziuns: L'entira suprastonza stat vinavon a disposizun e vegn aschia era elegida.

Putnengia: A Munt sogn Gieri han ils suprastonts giu la cuvida da far enconuschientscha cun ils responsabels da leu. Aschia han els survegniu agid co agir vinavon. Marcus Munsch ha survegniu l'incumbensa da preparar il project. Igl october vegn fatg la damonda concreta per survegnir sustegn dalla vischnaunca. Las firmas san far offerta per executar las lavurs. Enteifer ils proxims dus onns quintein nus saver far la sanaziun e finalmein finir quella.

Program: Il facit ei ch'ei vegn da serestrenscher sin la lavur vid la tuor a Putnengia ed aschi ch'ei tonscha buca per bia auter. – Ulteriuramein ha la suprastonza preparau da dar ora in calender per saver recaltgar empau daners.

Varia: Sut Varia ha ei dau diversas pintgas menziuns e la finala essan tuts ira in scalem pli bas en igl archiv da vischnaunca nua che Narcisi Hendry ha presentau quel.

Rueras, uost 2001

A handwritten signature in black ink, appearing to be 'Zurbruggen', written in a cursive style.